

Na osnovu člana 18. b) Ustava Kantona Sarajevo („Službene novine Kantona Sarajevo“, br. 1/96, 2/96 – Ispravka, 3/96-Ispravka, 16/97, 14/00, 4/01 i 28/04), čl. 2. i 311. stav 2. Zakona o privrednim društvima („Službene novine Federacije BiH“, br. 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10), i člana 2. stav 2. Zakona o javnim preduzećima u Federaciji Bosne i Hercegovine („Službene novine Federacije BiH, br. 8/05, 81/08 i 22/09) i Odluke o klasifikaciji djelatnosti BiH 2010 („Službeni glasnik BiH“, broj 47/10), Skupština Kantona Sarajevo, na ____ sjednici od _____ 2011.godine, donijela je

O D L U K U
O IZMJENI ODLUKE O USKLAĐIVANJU STATUSA KANTONALNOG JAVNOG
KOMUNALNOG PREDUZEĆA ZA TRANSPORT I DISTRIBUCIJU GASA „SARAJEVO-
GAS“ SARAJEVO SA ZAKONOM O JAVNIM PREDUZEĆIMA
U FEDERACIJI BOSNE I HERCEGOVINE

Član 1.

U Odluci o usklađivanju statusa Kantonalnog javnog komunalnog preduzeća za transport i distribuciju gasa „Sarajevo-gas“ Sarajevo sa Zakonom o javnim preduzećima u Federaciji Bosne i Hercegovine („Službene novine Kantona Sarajevo“, br. 30/05, 25/09 i 22/11), član 8. mijenja se i glasi:

„Član 8.

Preduzeće obavlja djelatnost i to:

- 33.12 Popravak mašina;
- 35.22 Distribucija plinovitih goriva distribucijskom mrežom;
- 35.23 Trgovina plinom distribucijskom mrežom;
- 42.21 Gradnja cjevovoda za tečnosti i plinove;
- 42.99 Gradnja ostalih građevina niskogradnje, d. n.;
- 43.21 Elektroinstalacijski radovi;
- 43.22 Uvođenje instalacija vodovoda, kanalizacije i plina i instalacija za grijanje i klimatizaciju;
- 43.29 Ostali građevinski instalacijski radovi;
- 43.99 Ostale specijalizirane građevinske djelatnosti, d. n.;
- 45.20 Održavanje i popravak motornih vozila;
- 52.21 Uslužne djelatnosti u vezi s kopnenim prijevozom;
- 56.29 Ostale djelatnosti pripreme i usluživanja hrane;
- 58.19 Ostala izdavačka djelatnost;
- 58.29 Izdavanje ostalog softvera;
- 62.01 Računarsko programiranje;
- 62.03 Upravljanje računarskom opremom i sistemom;
- 63.11 Obrada podataka, usluge hostinga i djelatnosti u vezi s njima;
- 63.12 Internetski portali;
- 63.99 Ostale informacijske uslužne djelatnosti, d.n.;
- 70.21 Odnosi s javnošću i djelatnosti saopćavanja;
- 70.22 Savjetovanje u vezi s poslovanjem i ostalim upravljanjem;
- 71.11 Arhitektonske djelatnosti;
- 71.12 Inženjerske djelatnosti i s njima povezano tehničko savjetovanje;

- 71.20 Tehničko ispitivanje i analiza;
- 72.19 Ostalo istraživanje i eksperimentalni razvoj u prirodnim, tehničkim i tehnološkim naukama;
- 72.20 Istraživanje i eksperimentalni razvoj u društvenim i humanističkim naukama;
- 73.20 Istraživanje tržišta i ispitivanje javnog mnijenja;
- 74.90 Ostale stručne, naučne i tehničke djelatnosti, d. n.;
- 82.99 Ostale poslovne pomoćne uslužne djelatnosti, d.n.;
- 85.60 Pomoćne uslužne djelatnosti u obrazovanju;
- 95.11 Popravak računara i periferne opreme.“.

Član 2.

Ova odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVAJUĆA
SKUPŠTINE KANTONA SARAJEVO

Broj:
Sarajevo,

Prof. dr. Mirjana Malić

O B R A Z L O Ž E N J E

PRAVNI OSNOV:

Pravni osnov za donošenje predložene Odluke sadržan je odredbi člana 18. tačka b) Ustava Kantona Sarajevo („Službene novine Kantona Sarajevo“, broj 1/96, 2/96, 3/96, 16/97, 14/00, 4/01 i 28/04), kojom je propisano da Skupština Kantona „donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona“, čl. 2. i 311. stav 2. Zakona o privrednim društvima („Službene novine Federacije BiH“, broj 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10), kojim je propisano da „kada društvo s ograničenom odgovornošću osniva samo jedan osnivač, osnivački akt je odluka o osnivanju“, člana 2. stav 2. Zakona o javnim preduzećima u Federaciji Bosne i Hercegovine („Službene novine Federacije BiH“, broj 8/05, 81/08 i 22/09), kojim je propisano da „djelatnosti od javnog društvenog interesa utvrđuju općina, kanton i Federacija Bosne i Hercegovine, svako u okviru svojih nadležnosti“ i Odluci o klasifikaciji djelatnosti BiH 2010 („Službeni glasnik BiH“, broj 47/10), kojom su propisane klasifikacijske djelatnosti BiH 2010, sa kojom je potrebno uskladiti odluke o usklađivanju statusa kantonalnih javnih komunalnih preduzeća.

RAZLOZI ZA DONOŠENJE:

Agencija za statistiku BiH, donijela je Odluku o klasifikaciji djelatnosti Bosne i Hercegovine 2010 („Službeni glasnik BiH“, broj 47/10), kojom je propisana Klasifikacija djelatnosti Bosne i Hercegovine za 2010.godinu, sa nazivima i šiframa djelatnosti, koje obuhvataju područja, oblasti, grane i razrede ekonomskih djelatnosti, te da će se ista primjenjivati na teritoriji Bosne i Hercegovine.

U članu 5. navedene Odluke propisano je da Odluka o klasifikaciji Bosne i Hercegovine („Službeni glasnik BiH“, broj 84/06) prestaje da važi od dana primjene Odluke o klasifikaciji djelatnosti Bosne i Hercegovine 2010 („Službeni glasnik BiH“, broj 47/10).

Članom 6. Odluke o klasifikaciji djelatnosti Bosne i Hercegovine 2010, navedeno je da se ista Odluka primjenjuje od 01.01.2011.godine.

Shodno navedenom potrebno je da se djelatnosti koje su utvrđene u odlukama o usklađivanju statusa kantonalnih javnih komunalnih preduzeća usklade sa Odlukom o klasifikaciji djelatnosti Bosne i Hercegovine 2010., odnosno sa Klasifikacijom djelatnosti Bosne i Hercegovine 2010.

Na osnovu izloženog predlažemo donošenje ovog Zaključka.

ZAKON

O VLADI KANTONA SARAJEVO (Prečišćen tekst)

I - OPĆE ODREDBE

Član 1.

Ovim zakonom uređuje se sastav i organizacija, kao i druga pitanja od značaja za rad Vlade Kantona Sarajevo (u daljem tekstu: Vlada Kantona).

Član 2.

Vlada Kantona je izvršna vlast Kantona Sarajevo (u daljem tekstu: Kanton), u skladu sa Ustavom.

Član 3.

Vlada Kantona vrši svoja prava i dužnosti na osnovu i u okviru Ustava i ovog zakona.

Član 4.

Sjedište Vlade Kantona je u Sarajevu.

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja

Član 6.

Vlada Kantona raspolaže imovinom u vlasništvu Kantona u okviru ovlaštenja koja joj Skupština Kantona prenese posebnim propisom.

II - SASTAV I ORGANIZACIJA VLADE KANTONA

Član 7.

Vladu Kantona čine premijer Kantona (u daljem tekstu: premijer) i 12 ministara.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi pred- sjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, premijer se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju premijera obavlja član Vlade Kantona kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

Član 9.

Ministri odgovaraju premijeru i Skupštini Kantona.

Premijer je odgovoran Skupštini Kantona.

Ministri snose krajnju odgovornost za rad svojih ministarstava.

Vlada Kantona podnosi ostavku ako joj u bilo koje vrijeme Skupština Kantona izglasa nepovjerenje.

Član 10.

Konstitutivni narodi i pripadnici ostalih biće proporcionalno zastupljeni u Vladi. Takva zastupljenost će odražavati popis stanovništva iz 1991. godine do potpune provedbe Aneksa VII Dejtonskog mirovnog sporazuma.

Član 11.

Premijer i ministri, nakon potvrđivanja od strane Skupštine Kantona, daju svečanu izjavu pred predsjedavajućim Skupštine Kantona.

Vlada Kantona preuzima dužnost nakon potvrđivanja od strane Skupštine Kantona.

Član 12.

Vlada Kantona imenuje i razrješava sekretara Vlade Kantona na prijedlog premijera.

Sekretar Vlade odgovara za svoj rad premijeru Vlade i Vladi.

III - NAČIN RADA I ODLUČIVANJA VLADE KANTONA

Član 13.

Radom Vlade Kantona rukovodi premijer koji predstavlja i zastupa Vladu Kantona, saziva sjednice Vlade Kantona, predlaže dnevni red i predsjedava sjednicama.

Član 14.

Vlada Kantona radi i odlučuje u sjednicama.

Vlada Kantona može odlučivati ako sjednici prisustvuje više od polovine članova Vlade Kantona, a sve odluke Vlade Kantona donose se prostom većinom članova Vlade Kantona koji glasaju.

U slučaju većih elementarnih nepogoda, nesreća ili drugih neposrednih društvenih opasnosti, Vlada donosi odluke prostom većinom glasova prisutnih članova Vlade koji glasaju.

IV - RADNA TIJELA VLADE KANTONA

Član 15.

Za razmatranje pitanja iz nadležnosti Vlade Kantona, davanje prijedloga i mišljenja o tim pitanjima, vršenje određenih poslova i zadataka u vezi sa provođenjem zaključaka Vlade Kantona, kao i za vršenje drugih poslova, Vlada Kantona može obrazovati stalna i povremena radna tijela (savjete, urede, komitete, odbore, komisije i dr).

Sastav i nadležnost radnih tijela iz stava I. ovog člana uredit će se Poslovníkom Vlade Kantona ili aktom o obrazovanju radnog tijela.

Član 16.

Za donošenje rješenja u upravnom postupku i odlučivanje o drugim pojedinim pitanjima iz njene nadležnosti Vlada Kantona može obrazovati jednu ili više komisija čije članove imenuje iz reda članova Vlade.

V - NADLEŽNOST I ODGOVORNOST PREMIJERA I ČLANOVA VLADE KANTONA

Član 17.

Premijer rukovodi radom Vlade Kantona i odgovoran je za njen rad, osigurava jedinstvo u izvršavanju poslova iz nadležnosti Vlade Kantona, ostvaruje saradnju sa drugim organima i usmjerava djelovanje Vlade Kantona kao cjeline i članova Vlade Kantona pojedinačno, te vrši i druge poslove utvrđene ustavom.

Premijer potpisuje akte Vlade Kantona.

Član 18.

Članovi Vlade Kantona mogu pokrenuti inicijative za donošenje zakona i drugih propisa iz nadležnosti Vlade Kantona, predlagati razmatranje i pretresanje pojedinih pitanja iz nadležnosti Vlade Kantona, predlagati utvrđivanje stavova Vlade Kantona i imaju druga prava i dužnosti utvrđena ustavom i zakonom.

Član 19.

Članovi Vlade Kantona su odgovorni i za zastupanje i provođenje zaključaka Vlade Kantona u poslovima koje im Vlada Kantona povjeri, kao i za blagovremeno pokretanje inicijative za rješavanje pitanja u okviru zadataka koje im je povjerila Vlada Kantona ili premijer.

Član 20.

Članovi Vlade Kantona određeni da učestvuju u radu drugog organa i tijela dužni su postupati u skladu sa ovlaštenjima, smjernicama i stavovima Vlade Kantona.

Članovi Vlade Kantona su dužni svoju aktivnost ostvarivati tako da, pored poslova za koje su lično zaduženi, prate i pitanja iz djelokruga Vlade Kantona za koja nisu lično zaduženi i da svojim prijedlozima i mišljenjima doprinose odgovornom, zakonitom i efikasnom radu Vlade Kantona.

VI - SEKRETAR VLADE KANTONA

Član 21.

Sekretar Vlade Kantona prema uputstvima premijera i Vlade u skladu sa Poslovnikom, stara se o pripremanju sjednice Vlade i dostavljanju materijala potrebnih za rad Vlade i njenih radnih tijela. pomaže premijeru u vršenju njegovih prava i dužnosti u vezi sa organizacijom i pripremanjem sjednica Vlade i izvršavanju zaključaka Vlade, obezbjeđuje radnim tijelima Vlade pomoć i saradnju stručnih i drugih službi i vrši i druge poslove u vezi s radom Vlade koje mu povjeri premijer.

Sekretar Vlade je naredbodavac za izvršenje finansijskog plana Vlade.

VII - AKTA VLADE KANTONA

Član 22.

Vlada Kantona u ostvarivanju svojih nadležnosti utvrđenih ustavom donosi uredbe, odluke, rješenja i zaključke.

Član 23.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 24.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 25.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 26.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 27.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 28.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 29.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 30.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 31.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Broj 23 - Ponedjeljak, 21. juna/lipnja 1999.

155

Na osnovu člana IV. 7. (VI) Ustava Federacije Bosne i Hercegovine, donosim

**UKAZ
O PROGLAŠENJU ZAKONA
O PRIVREDNIM DRUŠTVIMA**

Prolašava se Zakon o privrednim društvima koji je usvojio Parlament Federacije Bosne i Hercegovine na sjednici Predstavničkog doma održanoj 26. januara 1999. godine i na sjednici Doma naroda održanoj 19. maja 1999. godine.

Broj 01-498/99
4. juna 1999. godine
Sarajevo

Predsjednik
Federacije BiH
Ivo Andrić-Lužanski, s. r.

**ZAKON
O PRIVREDNIM DRUŠTVIMA**

**PRVI DIO:
ZAJEDNIČKE ODREDBE**

1 - OPĆE ODREDBE

Član 1.

Ovim zakonom uređuje se osnivanje, poslovanje, upravljanje i prestanak privrednih društava (u daljem tekstu: Društvo) u Federaciji Bosne i Hercegovine (u daljem tekstu: Federacija).

1. Pojam i oblici društava

Član 2.

Društvo je pravno lice koje samostalno obavlja privrednu djelatnost radi sticanja dobiti. Društvo mogu osnovati domaća i strana fizička i pravna lica, ako zakonom nije drugačije određeno.

Član 308.

Izmirenje obaveza dioničkog društva za koje likvidator nije znao i koje povjerioci nisu prijavili u roku iz člana 302. stav 2. ovog zakona, može se zahtijevati samo iz deponovanog novca koji nije isplaćen dioničarima.

PETI DIO: DRUŠTVO SA OGRANIČENOM ODGOVORNOŠĆU

I - OPĆE ODREDBE

1. Pojam

Član 309.

Društvo s ograničenom odgovornošću je društvo čiji je osnovni kapital podijeljen na udjele.

Za obaveze društva s ograničenom odgovornošću član društva odgovara svojim udjelom.

Udjeli osnivača društva s ograničenom odgovornošću mogu biti različiti, a svaki osnivač može steći samo jedan udio.

Član 310.

Odredbe ovog zakona o dioničkom društvu primjenjuju se na društvo s ograničenom odgovornošću, ako posebnim odredbama ovog zakona nije drugačije određeno.

U društvu s ograničenom odgovornošću koje nema nadzorni odbor njegova ovlaštenja vrše članovi društva.

2. Osnivački akt

Član 311.

Društvo s ograničenom odgovornošću osniva se ugovorom u pismenoj formi koji zaključuju osnivači, čiji potpisi se ovjeravaju u skladu sa zakonom.

Kada društvo s ograničenom odgovornošću osniva samo jedan osnivač, osnivački akt je odluka o osnivanju.

Član 312.

Ugovor iz člana 311. stav 1. ovog zakona može potpisati punomoćnik osnivača na osnovu punomoći koja se prilaže ugovoru, a kojom je punomoćnik izričito ovlašten za taj posao i na kojoj je potpis vlastodavca ovjeren zakonom.

ZAKON

O JAVNIM PREDUZEĆIMA U FEDERACIJI BOSNE I HERCEGOVINE

1. Predmet Zakona i definicije

Član 1.

Ovim Zakonom uređuju se određena pitanja upravljanja i poslovanja u javnim preduzećima.

Član 2.

Javno preduzeće, u smislu ovog Zakona, jeste preduzeće (pravno lice upisano u sudski registar kao privredno društvo, odnosno javno preduzeće definirano kao takvo posebnim propisom) koje obavlja djelatnosti od javnog društvenog interesa (energetika, komunikacije, komunalne djelatnosti, upravljanje javnim dobrima i druge djelatnosti od javnog društvenog interesa), koje zapošljava najmanje 50 radnika, kao i preduzeće u kojem općina, grad, kanton ili Federacija Bosne i Hercegovine ima udio u vlasništvu u iznosu od najmanje 50% plus jedna dionica odnosno udio nezavisno od toga kojom se djelatnosti bavi.

Djelatnosti od javnog društvenog interesa utvrđuju općina, kanton i Federacija Bosne i Hercegovine, svako u okviru svojih nadležnosti.

Član 3.

Javna preduzeća iz člana 2. ovog Zakona mogu se organizirati u obliku dioničkog društva ili društva sa ograničenom odgovornošću.

Član 4.

U ovom Zakonu primjenjuju se sljedeće definicije:

"poslovne tajne" - uključuju sve informacije koje se odnose na poslovanje javnog preduzeća koje mogu biti od koristi za konkurente kao što su npr. proizvodni proces, inženjerski i tehnički projekti i nacrti, specifikacije proizvoda, liste klijenata, poslovna strategija, te informacije vezane za finansije, prodaju i marketing;

"interna kontrola" - jeste postupak koji provode nadzorni odbor, uprava i zaposleni sa ciljem da se pruže prihvatljive garancije u pogledu postizanja ciljeva u sljedećim kategorijama: efikasnost i ekonomičnost operacija, pouzdanost finansijskog izvještavanja i postupanje u skladu sa zakonima i propisima koji su na snazi;

"postupak nabavke" - jeste odgovarajući postupak za dodjelu ugovora dobavljaču u skladu sa važećim propisima o nabavci;

"povezano lice" - jeste svaki zaposlenik javnog preduzeća, uključujući i pojedince i zastupnike koje javno preduzeće imenuje za obavljanje određenih djelatnosti, svaki član nadzornog odbora i odbora za reviziju, svako javno preduzeće ili pojedinac u čijem posrednom ili neposrednom vlasništvu je najmanje 10% od ukupne sume glasačkih prava javnog preduzeća;

"odgovorno lice" - jeste svako lice kojem se zakonom ili statutom javnog preduzeća dodjeljuje nadležnost za konkretan posao ili zadatak, odnosno svako lice za koje se sa razlogom može reći da takva nadležnost potpada pod odredbe njegovog ugovora o radu ili u djelokrug njegovih poslova u javnom preduzeću;

"revidiranje" - jeste analiziranje izvještaja ili situacije i u roku od 15 dana podnošenje prijedloga relevantnih pisanih korektivnih strategija menadžmentu radi otklanjanja mogućih i stvarnih nezakonitosti, neefikasnosti, gubitaka i izdataka;



AGENCIJA ZA STATISTIKU
BOSNE I HERCEGOVINE

Na osnovu čl. 6. i 9. Zakona o klasifikaciji djelatnosti u Bosni i Hercegovini ("Službeni glasnik BiH", br. 76/06, 100/08 i 32/10), Agencija za statistiku Bosne i Hercegovine, donosi

ODLUKU
O KLASIFIKACIJI DJELATNOSTI BOSNE I
HERCEGOVINE 2010

Član 1.
(Predmet Odluke)

Ovom Odlukom propisuje se Klasifikacija djelatnosti Bosne i Hercegovine 2010 (u daljnjem tekstu: Klasifikacija djelatnosti BiH 2010), sa nazivima i šiframa djelatnosti koje obuhvataju područja, oblasti, grane i razrede ekonomskih djelatnosti, koja će se primjenjivati na teritoriji Bosne i Hercegovine.

Član 2.
(Upotreba Klasifikacije djelatnosti BiH 2010)

Klasifikacija djelatnosti BiH 2010 iz člana 1. ove Odluke upotrebljava se za određivanje djelatnosti, odnosno za sva razvrstavanja po djelatnostima poslovnih i drugih subjekata i njihovih dijelova za potrebe statistike, različitih službenih i drugih administrativnih zbirki podataka (evidencije, registri, baze podataka i sl.).

Član 3.
(Hijerarhijski nivoi Klasifikacije djelatnosti BiH 2010)
Klasifikacija djelatnosti BiH 2010 sastoji se od četiri hijerarhijska nivoa koja su označena na sljedeći način:

- područje (označeno jednoslovnim abecednom šifrom),
- oblast (označena dvocifrenom brojčanom šifrom),
- grana (označena trocifrenom brojčanom šifrom),
- razred (označen četverocifrenom brojčanom šifrom).

Član 4.
(Sastavni dio Odluke)

Sastavni dio ove Odluke čine:

- Klasifikacija djelatnosti BiH 2010,
- Klasifikacija djelatnosti BiH 2010 sa objašnjenjima,
- Metodologija za statističku primjenu Klasifikacije djelatnosti BiH 2010.

Član 5.
(Prestanak primjene prethodne Odluke)
Odluka o Klasifikaciji djelatnosti Bosne i Hercegovine ("Službeni glasnik BiH", broj 84/06) prestaje da važi od dana primjene ove Odluke.

Član 6.
(Stupanje na snagu i objavljivanje Odluke u "Službenom glasniku BiH")
Ova Odluka stupa na snagu danom objavljivanja u "Službenom glasniku BiH", a primjenjuje se od 1. januara 2011. godine.

Broj 1344/10
19. maj 2010. godine,
Sarajevo

Direktor
Zdenko Milinović, s. r.

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), a u skladu sa članom 3. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05), članom 51. Zakona o komunalnim djelatnostima ("Službene novine Kantona Sarajevo", broj 31/04) i Odlukom o standardnoj klasifikaciji djelatnosti u Federacije BiH ("Službene novine Federacije BiH", broj 28/98, 36/98 - ispravka i 47/98 - ispravka), Skupština Kantona Sarajevo, na sjednici od 7. oktobra 2005. godine, donijela je

ODLUKU

O USKLAĐIVANJU STATUSA KANTONALNOG JAVNOG KOMUNALNOG PREDUZEĆA ZA TRANSPORT I DISTRIBUCIJU GASA "SARAJEVO-GAS" SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

I - OSNOVNE ODREDBE

Član 1.

Ovom odlukom osnivač Kanton Sarajevo, ulica Reisa Džemaludina Čauševića broj 1. Sarajevo, (u daljnjem tekstu: Osnivač) usklađuje oblik, firmu i način upravljanja u skladu sa Zakonom o javnim preduzećima u Federaciji Bosne i Hercegovine (u daljnjem tekstu: Zakon), utvrđuje visinu osnovnog kapitala i vrši usklađivanje djelatnosti Preduzeća u unutrašnjem prometu u skladu sa Odlukom o standardnoj klasifikaciji djelatnosti u Federaciji BiH i vrši upis prava obavljanja vanjskotrgovinskog poslovanja u skladu sa Zakonom.

Član 2.

Preduzeće, u skladu sa Zakonom, mijenja oblik i djelovat će kao Preduzeće sa ograničenom odgovornošću (u daljnjem tekstu: Preduzeće).

Član 3.

Preduzeće je pravni sljednik KANTONALNOG JAVNOG KOMUNALNOG PREDUZEĆA ZA TRANSPORT I DISTRIBUCIJU GASA "SARAJEVO-GAS" SARAJEVO, registrovanog Rješenjem Okružnog privrednog suda u Sarajevu broj U/I 712/82, Rješenjem Suda Udruženog rada broj: U/I 426/90, Rješenjem Višeg suda u Sarajevu broj UF/I 3430/94, i Rješenjem Kantonalnog suda u Sarajevu broj: UF/13857/97 od 26. 12. 1997. godine i ima svojstvo pravnog lica sa pravnom i poslovnom sposobnošću.

Član 4.

Preduzeće obavlja djelatnost imovinom koja mu je data na upravljanje, a koja je u cjelokupnom vlasništvu osnivača.

II - FIRMA I SJEDIŠTE PREDUZEĆA

Član 5.

Preduzeće će poslovati pod firmom: Kantonalno javno komunalno preduzeće za snabdijevanje prirodnim gasom "Sarajevogas" d.o.o. Sarajevo.

Skraćeni naziv: KJKP "SARAJEVOGAS" d.o.o. Sarajevo.

Član 6.

Sjedište Preduzeća je u Sarajevu, ulica Muhameda efendije Pandže broj 4.

Član 7.

Preduzeće ima pečat okruglog oblika u kome je ispisan puni naziv firme i štambilj četvrtastog oblika, koji sadrži puni naziv firme, a služi za ovjeru prijema podnesaka (akata).

Vrsta pečata i štambilja, način upotrebe i čuvanje utvrđuje se općim aktom koji donosi Uprava Preduzeća.

III - DJELATNOST PREDUZEĆA

Član 8.

Preduzeće obavlja djelatnost i to:

- 40.2040.200 proizvodnja gasa, distribucija gasovodnih goriva cjevovodnom mrežom
- 45.212 niskogradnja
- 45.213 održavanje objekata visokogradnje, niskogradnje i njihovih dijelova
- 45.3345.330 postavljanje instalacija za vodu, gas, grijanje, ventilaciju i hlađenje
- 50.2050.200 održavanje i popravka motornih vozila
- 55.5155.510 kantine (menze)
- 72.3072.300 obrada podataka
- 72.4072.400 izrada i upravljanje bazama podataka
- 72.5072.500 održavanje i popravak kancelarijskih i knjigovodstvenih mašina i računarskih sistema (računara)
- 73.102 istraživanje i eksperimentalni razvoj u tehničkim i tehnološkim naukama
- 73.201 istraživanje eksperimentalni razvoj u društvenim naukama
- 74.1374.130 istraživanje tržišta i ispitivanje javnog mnjenja
- 74.1474.140 savjetovanje u vezi s poslovanjem i upravljanjem
- 74.2074.200 arhitektonske i inženjerske djelatnosti i tehničko savjetovanje
- 74.3074.300 tehničko ispitivanje i analiza
- 74.8474.840 ostale poslovne djelatnosti na drugom mjestu nepomenute

Član 9.

Djelatnost Preduzeća u vanjskotrgovinskom poslovanju glasi:

- Vanjskotrgovinski promet iz okvira registrovane djelatnosti.

Član 10.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08 i 22/09), Skupština Kantona Sarajevo, na sjednici održanoj 3. septembra 2009. godine, donijela je

ODLUKU

O IZMJENAMA I DOPUNAMA ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA ZA TRANSPORT I DISTRIBUCIJU GASA "SARAJEVO-GAS" SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Kantonalnog javnog komunalnog preduzeća za transport i distribuciju gasa "Sarajevo-gas" Sarajevo sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", broj 30/05), član 8. mijenja se i glasi:

"Član 8.

Preduzeće obavlja djelatnost i to:

40.22 40.220 Distribucija i prodaja gasovitih goriva distributivnom mrežom

45.21 45.210 Niskogradnja

45.213 Održavanje objekata visokogradnje, niskogradnje i njihovih dijelova

45.33 45.330 Postavljanje cijevnih instalacija

45.34 45.340 Ostali instalacijski radovi

50.20 50.200 Održavanje i popravak motornih vozila

55.51 55.510 Kantine

72.30 72.300 Obrada podataka

72.40 72.400 Izrada i upravljanje bazama podataka

72.50 72.500 Održavanje i popravak kancelarijskih, računarskih i računarskih mašina

73.102 Istraživanje i eksperimentalni razvoj u tehničkim i tehnološkim naukama

73.201 Istraživanje i eksperimentalni razvoj u društvenim naukama

74.13 74.130 Istraživanje tržišta i ispitivanje javnog mnijenja

74.14 74.140 Poslovni i menadžment konsalting

74.20 74.200 Arhitektonske i inženjerske djelatnosti i tehničko savjetovanje

74.30 74.300 Tehničko ispitivanje i analiza

74.87 74.870 Ostale poslovne djelatnosti, d.n.

Član 2.

Član 13. mijenja se i glasi:

"Član 13.

Preduzeće ima fond rezervi.

Statutom Preduzeća propisuju se statutarne rezerve, utvrđuje namjena i način njihovog korištenja."

Član 3.

U članu 18. alineja 1. briše se.

Alineja 3. mijenja se i glasi:

"- imenuje i razrješava Upravu u skladu sa Statutom Preduzeća".

Alineja 6. mijenja se i glasi:

"- daje mišljenje Skupštini o prijedlogu Uprave o rasporedu dobiti".

Član 4.

U članu 20. stavovi 1. i 2. mijenjaju se i glase:

"Nadzorni odbor ima predsjednika i dva člana".

"Prilikom imenovanja članova Nadzornog odbora, primjenjivat će se odredbe Zakona o privrednim društvima, Zakona o javnim preduzećima u Federaciji Bosne i Hercegovine i Statuta Preduzeća".

Član 5.

U članu 23. stav 2. riječ "profit", zamjenjuje se riječju "dobit".

U stavu 5. riječi: "Upravu bira Nadzorni odbor većinom glasova" zamjenjuju se riječima: "Uprava se bira, imenuje i razrješava u skladu sa postupkom utvrđenim u Statutu Preduzeća."

Član 6.

Član 29. briše se.

Član 7.

U članu 30. stav 1. alineja 2. riječ "studiju" zamjenjuje se riječju "strategiju".



SARAJEVO GAS d.o.o. SARAJEVO

Kantonalno javno komunalno preduzeće za snabdjevanje prirodnim gasom

5234
568

SECRETAR
Datum: 07-12-2011
Prijem: 28

**Bosna i Hercegovina
Federacija Bosne i Hercegovine
KANTON SARAJEVO
Ministarstvo prostornog
uređenja i zaštite okoliša
N/r Ministra
Gosp. Abid Jusić
SARAJEVO**

71000 Sarajevo, Muhameda ef. Pandže 4

www.sarajevogas.ba

TELEFONI:

Direktor preduzeća: ++387 33 20 03 30

Telefonska centrala: ++387 33 44 51 20

++387 33 22 52 51

FAX:

++387 33 44 55 25

++387 33 44 37 21



Broj: 2641/11

**Bosna i Hercegovina
Federacija Bosne i Hercegovine
KANTON SARAJEVO**

Predmet: **Djelatnost Sarajevogasa**

PRIMLJENO: 07-12-2011			
Organizaciona jedinica	Klasifikaciona oznaka	Redni broj	Broj priloga
05			

Poštovani,

Na Vaše traženje od 06.12.2011. godine dostavljamo Vam Djelatnost KJKP „Sarajevogas“, d.o.o. Sarajevo usklađenu sa Klasifikacijom BIH 2010 („Službeni glasnik BiH“, br.47/10).

Istovremeno obavještavamo Vas da je usklađivanje djelatnosti obavljeno od strane Notara Škaljić Merdžane. Također, imenovanoj smo dostavili na notarsku obradu Odluku o izmjeni Odluke o usklađivanju statusa Kantonalnog javnog komunalnog preduzeća za transport i distribuciju gasa „SARAJEVO-GAS“ Sarajevo sa Zakonom o javnim preduzećima u Federaciji Bosne i Hercegovine, koju je donijela Skupština Kantona Sarajevo dana 05.09.2011. godine,

S poštovanjem,



DIREKTOR

Salih Selmanović, dipl.maš.ing.

Dostaviti:

- Naslovu
- a/a

Prilozi:

Kao u tekstu

Transakcijski računi: HVB - Central profit banka 1291061000136786; Union banka 1020500000008825; Raiffeisen bank 1610000037600024;

Poštanska banka 1870100000043266; UPI banka 1540012000165481

Registarski sud: Općinski sud u Sarajevu br.Rješenja: UF/I 2590/05 od 06.07.2006.

ID br. 4200158020002

ID PDV 200158020002

Poreski broj: 017000320

Šifra djelatnosti: 40200

DJELATNOST SARAJEVOGAS-a usklađena sa Klasifikacijom BiH (SI.gl.br.47/10)

STARA ŠIFRA (upisana u sudski registar)

40.220 Distribucija i prodaja plinovitih goriva distributivnom mrežom

USKLAĐENA GLASI:

35.22 Distribucija plinovitih goriva distribucijskom mrežom;

35.23 Trgovina plinom distribucijskom mrežom;

STARA ŠIFRA (upisana u sudski registar)

45.212 Izgradnja objekata niskogradnje

USKLAĐENA GLASI:

42.21 Gradnja cjevovoda za tekućine i plinove;

STARA ŠIFRA (upisana u sudski registar)

45.213 Održavanje objekata visokogradnje, niskogradnje i njihovih dijelova

USKLAĐENA GLASI:

42.99 Gradnja ostalih građevina niskogradnje, d. n.;

43.99 Ostale specijalizirane građevinske djelatnosti, d. n.;

STARA ŠIFRA (upisana u sudski registar)

45.330 Postavljanje cijevnih instalacija

USKLAĐENA GLASI:

43.22 Uvođenje instalacija vodovoda, kanalizacije i plina i instalacija za grijanje i klimatizaciju;

STARA ŠIFRA (nije upisana u sudski registar a odobrena po Odluci Kantona od 03.09.2009 godine)

45.340 Ostali instalacijski radovi

USKLAĐENA GLASI:

43.21 Elektroinstalacijski radovi;

43.29 Ostali građevinski instalacijski radovi;

STARA ŠIFRA (upisana u sudski registar)

50.200 Održavanje i popravak motornih vozila

USKLAĐENA GLASI:

45.20 Održavanje i popravak motornih vozila;

52.21 Uslužne djelatnosti u vezi s kopnenim prijevozom;

STARA ŠIFRA (upisana u sudski registar)

55.510 Kantine

USKLAĐENA GLASI:

56.29 Ostale djelatnosti pripreme i usluživanja hrane;

STARA ŠIFRA (upisana u sudski registar)

72.300 Obrada podataka

USKLAĐENA GLASI:

62.03 Upravljanje računarskom opremom i sistemom;

63.11 Obrada podataka, usluge hostinga i djelatnosti u vezi s njima;


STARA ŠIFRA (upisana u sudski registar)

72.400 Izrada i upravljanje bazama podataka

USKLAĐENA GLASI:

58.19 Ostala izdavačka djelatnost;

58.29 Izdavanje ostalog softvera;



- 62.01 Računarsko programiranje;
- 63.11 Obrada podataka, usluge hostinga i djelatnosti u vezi s njima;
- 63.12 Internetski portali;

STARA ŠIFRA (upisana u sudski registar)

72.500 Održavanje i popravak uredskih, računskih i računalnih strojeva

USKLAĐENA GLASI:

- 33.12 Popravak mašina;
- 95.11 Popravak računara i periferne opreme;

STARA ŠIFRA (upisana u sudski registar)

73.102 Istraživanje i eksperimentalni razvitak u tehničkim i tehnološkim znanostima

USKLAĐENA GLASI:

- 72.19 Ostalo istraživanje i eksperimentalni razvoj u prirodnim, tehničkim i tehnološkim naukama;

STARA ŠIFRA (upisana u sudski registar)

73.201 Istraživanje i eksperimentalni razvitak u društvenim znanostima

USKLAĐENA GLASI:

- 72.20 Istraživanje i eksperimentalni razvoj u društvenim i humanističkim naukama;

STARA ŠIFRA (upisana u sudski registar)

74.130 Istraživanje tržišta i ispitivanje javnog mnijenja

USKLAĐENA GLASI:

- 73.20 Istraživanje tržišta i ispitivanje javnoga mnijenja;

STARA ŠIFRA (upisana u sudski registar)

74.140 Poslovni i menadžment konsalting

USKLAĐENA GLASI:

- 70.21 Odnosi s javnošću i djelatnosti saopćavanja;
- 70.22 Savjetovanje u vezi s poslovanjem i ostalim upravljanjem;
- 74.90 Ostale stručne, naučne i tehničke djelatnosti, d. n.;
- 85.60 Pomoćne uslužne djelatnosti u obrazovanju;

STARA ŠIFRA (upisana u sudski registar)

74.200 Arhitektonske i inženjerske djelatnosti i tehničko savjetovanje

USKLAĐENA GLASI:

- 71.11 Arhitektonske djelatnosti;
- 71.12 Inženjerske djelatnosti i s njima povezano tehničko savjetovanje;
- 74.90 Ostale stručne, naučne i tehničke djelatnosti, d. n.;

STARA ŠIFRA (upisana u sudski registar)

74.300 Tehničko ispitivanje i analiza

USKLAĐENA GLASI:

- 71.20 Tehničko ispitivanje i analiza;

STARA ŠIFRA (upisana u sudski registar)

74.870 Ostale poslovne djelatnosti, d.n.

USKLAĐENA GLASI:

- 63.99 Ostale informacijske uslužne djelatnosti, d.n.;
- 74.90 Ostale stručne, naučne i tehničke djelatnosti, d. n.;
- 82.99 Ostale poslovne pomoćne uslužne djelatnosti, d. n.;

